

四庫全書

史部

欽定四庫全書

綱目續麟卷十五

宜春張自勲撰

甲申

中宗皇帝嗣聖元年

二月睿宗文明元年
九月太后光宅元年

考異

按統系例曰篡賊謂篡位干統不及傳世者
註云如漢之呂后王莽唐之武后據漢呂后

稱制每歲首分註高皇后呂氏某年比當分註太
后武氏光宅元年後凡分註年號皆當作太后武
氏

睿宗下亦漏旦字

書旦所以別於哲也若謂武氏所
立不必書名則不當紀元固知其

漏

按歲年例君名註云後有即位在今年內者用之
睿宗以二月為武后所立分註既列文明之元而不
書君名與例不合考異知漏武氏而置旦不言何與
二月太后廢帝為廬陵王立豫王旦

考異

按統系例纂賊事亦連書但每歲首及有
異事處一加其名據王莽歲首事冠其名下

無異事連書者不冠以名此當書太后武氏廢帝
而其下以馮元常為驪州刺史在溫州大水葬乾
陵之下改元及服色官名在括州大水之下殺侍
中裴炎在李孝逸擊李敬業之下以崔營韋方質
同平章事在李景謏罷郭待舉罷之下事各冠以
武氏而削太后二字餘無異事者並不必加武氏

字後並倣此庶幾
不與凡例相戾也

當從考異補武氏二字旦下宜書居別宮見武氏雖

立旦特名焉耳

分註旦居別殿不得有
所與政事皆決於太后皆所以罪其

專也

太后以劉仁軌為西京留守

發明

每事必揭太后於上明天下事制於太后也
然不黜之者社稷猶繫乎唐而武氏猶為唐

之太后也至他日革命則
非矣綱目豈輕於絕人哉

太后二字當作武氏後並倣此○按是時社稷雖唐

武氏已非唐后發明謂猶為唐之太后非也必至革

命而後貶則人皆知之何有於綱目哉文姜與弑桓

公

與謂知情非手弑也

仲尼筆削魯史猶去其姜氏絕不為親

左傳云禮也

况後儒筆削前史可不去后書氏以著其罪

乎倘稱太后而不曰武氏

太后猶篡賊之官爵武氏則其名也事冠以名綱目

之例何自相矛盾

則是猶為天下之母也豈春秋書文姜之

義哉

或謂春秋書夫人而去姜氏與綱目書太后而去武氏正同何謂非春秋之義曰不然齊魯敵

國書夫人則知其為文姜書姜氏安知其非姪娣乎唐是時天下一家書太后則為天下之母書武氏則

賊而已矣師其意不襲其文所以異也

李敬業取潤州李孝逸擊殺之

分註

敬業取潤州聞李孝逸將至回軍拒之屯下阿溪使敬猷逼淮陰韋超屯都梁山孝逸軍

至臨淮不利監軍御史魏元忠曰天下安危在此一舉今大軍久留不進萬一朝廷更命他將以代將軍將軍何辭以逃逗撓之罪乎孝逸乃引軍而前元忠請先擊敬猷諸將曰不如先攻敬業敬業敗則敬猷不戰自擒若擊敬猷敬業救之是腹背受敵也元忠曰不然賊兵盡在下阿烏合而來利在一次敬猷不習軍事其衆單弱大軍臨之駐馬可克我克敬猷乘勝而進雖有韓白不能當其鋒矣孝逸從之引兵擊敬猷敬猷走敬業勒兵阻溪拒守元忠言於孝逸曰風順荻乾此火攻之利敬

業置陳既久士卒多疲倦陳不能整孝逸進擊之
其將王那相斬敬業等首來降餘黨皆捕得傳首
神都○胡氏曰元忠智謀誠可為世用而不知所
以自用用於女主之朝可謂不待價而沽者也其
言曰天下安危繫此一舉使敬業而敗則武后愈
安何繫於唐室然則將不令孝逸拒之乎曰君子
見幾而作不俟終日元忠誠有遠見宏略者永淳
弘道之間自晦而去上也至是鋒穎已見難乎其
卷而懷之矣然位未高而寵祿淺有道
以遠迹亦猶賢乎知進而不知退也

元忠之罪不在不去而在教孝逸以殺敬業若不知
有唐者寧得為智哉使元忠知灌嬰之義

漢高皇后呂氏欲為

亂未敢發齊王襄發兵討諸呂相國產遣大將軍灌嬰擊之嬰至滎陽謀曰諸呂欲危劉氏今我破齊是

益其資也乃諭齊王與連和以因孝逸不利說使與
待呂氏變共誅之諸呂遂平

敬業連和則反正之功不待五王而已成矣孝逸唐宗室義

與諸劉同惜元忠不逮灌嬰耳未幾孝逸流僭州死而元忠亦幾不保雖殺敬業奚益哉計不出

此乃竭謀武氏此哀伯所由與羽父同科也羽父魯大夫公

子輦使賊弑隱公而立桓公臧哀伯為桓畫守成之策先儒云原情定罪不應置哀伯於羽父下夫

女主擅朝固不可仕然不在其位雖不進可也元忠

當高宗時已為御史其於武氏有不共之讐不能反

邪歸正徒遠迹自晦抑豈人臣之義乎如姚崇初事武后及聞東

之謀誅二張遂參計議得之蓋背正從邪不可信如也去邪歸正所謂善補過者元忠何不達此

胡氏所云則狄仁傑何難一去而張柬之等又安有革周之功哉故凡處無道之世無位而輕進與有位而苟免皆非也

乙酉

二年

太后垂拱元年

春正月帝在均州

發明

丘濬曰說者謂天無二日民無二王一國不容有兩號武氏既革唐為周有周則無唐無

唐則無帝矣同一疆域也同一時世也而帝與周同書豈得無窒礙乎且是時武后既廢中宗立睿宗睿宗雖擁虛器武后未嘗明廢之也書帝在某處而不著其名則混而無辨矣况魯昭公乃列國

之君是時未有年號昭公雖次於外季氏專國猶
虛其位以待之不敢別有所立也中宗即位僅一
月即立豫王為皇帝改元文明矣曾未幾時武氏
自御正朝行人君事至於九月又改元光宅馬明
年又有垂拱之紀則是中宗既廢之後別立君矣
屢改元矣所謂嗣聖之號僅有再閱月之稱若仍
以其年次第書之則是假辭以立義非紀實也史
綱於園中書唐字而於其下分書武氏之年以見
是時天下雖專制於武氏而實唐之天下雖曰唐
之天下而所以專制之者實武氏也及乎每年帝
在之書必著其名而使人不疑中宗於睿宗如此
則義得其正事不沒其實賊后之罪既得以暴著
於天下君臣之義又
得以昭明於後世云

分註太后二字當作武氏丘濬說不必從

正偽之分
不在久暫

如丘氏說三國並馳蜀且并於魏安得為正統按沈既濟云中宗始年即位季年復祚雖尊名中奪而天命未改足以首事表年其論自正

之年未嘗失實當從綱目紀年

所謂次第書者

為正史綱目

唐易年

突出唐號殊覺犯手

是周末篡唐

武氏改國號在嗣聖七年

先已降

唐為列國非所以大一統也況武雖專制人心未嘗

忘唐寧俟書唐然後為唐之天下哉綱目僅以嗣聖

紀年若不知有周者所謂不動聲色而運天下於掌

者也豈與私慧小智一遇危急便瞋目立異以自快

哉此不惟書法未當亦學識淺深大小之別也至於

帝在不名亦可以不名者前書廢帝為廬陵王

所在之帝

即所廢之帝非廢則不書在雖廢而書在不予其廢也

後書歸政豫王旦

書立豫王

而不曰為皇帝不予武氏之立不成且之為帝也

則帝之為中宗明矣安有

二王兩號如史綱所慮者哉乃若有周無唐特綱目書周之誤惟以王莽例書之則無疵矣

三月太后遷帝於房州

當作武氏復遷帝於房州○按元年已遷帝房州此

再遷也宜書復書復見后欲弑不弑無可棄置之態而帝之死生真如籠鳥矣

丙戌三年

太后垂拱二年

分註太后二字宜刪○按王莽止於始建國元年一

書新莽

已

至甲戌止書天鳳元年不復著新莽字

庚辰

地皇元年亦但紀元無新莽字

此亦當去太后二字止書二年

以後做此

至六年已丑一書永昌元年

亦去太后二字

以後如載初

原本

作天授誤

長壽天冊萬歲之類並紀元而去武氏周嬰等

字

原本每歲必書武氏贊甚

庶合於王莽之例不然篡賊既同而

紀年頓異非所稱畫一之法也且淫名無當但宜以

後為正

凡例正統改元無事義者以後為正況武氏乎

如七年庚寅正月改

元載初而分註仍書天授九年壬辰再改長壽分註

猶存如意

分註周武氏如意元年再改長壽

尤非誅亂討賊之義並

宜刪正

丁亥四年

太后垂拱三年

太后以裴居道為納言張光輔平章事

平上漏同字○按諸臣平章者皆有同字

前書崔曙韋方質後

書王本立邢文偉
並書同平章事

獨光輔不書同非是

九月虢州人楊初成矯制募人迎帝於房州太后殺之

書法

人微者其書何予之也晉周權矯詔復立羊
后書誅此則蜀為止書殺武氏廢帝非義也

迎帝復位義也書誅則何以勸義故止書殺之然
則其必書矯何以為果義也雖與權可也綱目勸
義之意
深矣

當去矯制二字

太子重俊起兵誅武三思亦矯制也
綱目不書矯制可證見中宗景龍元

年

○愚按廢者是而迎者非書矯可也迎者是而廢

者非何制可稱而謂之矯乎書法徒以為與權不知

既稱矯制便是反經何權之可與哉惟去矯制二字
若曰何以不書矯制以為果義也雖與權可也如此
語義方明書法徒知傳會綱目而不覺其自為矛盾
非是按初成雖微者其迎帝之意視敬業尤正敬業
雖起兵然不直抵洛陽而規取常潤論者至此
之叛逆綱目於敬業書起兵而初
成書矯制非權衡之平者不可從

巳
丑六年太后永昌元年太后自名嬰改詔曰制

考異

太后當作武氏按凡例纂賊曰
某此後當改太后二字作嬰字

當從考異作武氏以後太后並作嬰如王莽例

太后流韋方質於儋州

分註

時武承嗣三思用事宰相皆下之方質有疾承嗣三思徃問之方質據牀不為禮或諫之

方質曰死生有命大丈夫安能曲事近戚以求苟免乎尋為周興所搆流儋州尋賜死

當作嬰流同平章事韋方質於儋州殺之○按玄同

之死周興誣之也

周興誣玄同言后老不若奉嗣君為耐久太后怒賜死於家

綱

目書殺同平章事魏玄同

上年閏月

方質以嗣聖元年同

平章亦為周興所搆流儋州賜死義當書官書殺以

著武氏之罪今但書流方質於儋州與李孝逸何異

嗣聖四年書流李孝逸於儋州發明云孝逸孽后之忠臣唐室之姦賊綱目不書其官以見貶之之意其宜死據分註方質不事近戚以求苟免則正士也不

書其官何以見義哉况凡例諸臣之卒惟宰相悉書方質雖不獲良死亦當因事以著其終惡有當國大

臣僅從長史駙馬附見分註乎

上年殺長史劉易從四年殺駙馬都尉薛

紹並見分註故當補正

庚寅七年周武氏天授元年

考異

按王莽篡國分註新莽某年此當分註周嬰天授元年後凡歲首並同

分註當作周嬰載初元年

是年一書周嬰以始更名改號也以後但書某年並

去周嬰等字

○按唐書本紀云天授元年正月改元載初

勲謂改元在正月當書載初不錄天授可也考異仍

稱天授特未考本紀耳

二月太后策貢士於洛城殿

分註

貢士殿試自此始○胡氏曰漢策問賢良非試之也延於大廷訪以理道其事重矣若貢

士則既試於南宮而又試之殿廡是以南宮為不足信耶故富文忠公請罷殿試其說甚當然未能行馬無亦悅其名而未察其實與況其事始於僭竊亂淫之武后不可以不革也

太后二字當作翌○按胡氏以武翌殿試貢士為非

其論自正

如陸贄以武氏令官民自舉為得人則非

然謂始於僭賊亂淫

之主不可不革則褊矣語云桀有得事堯有遺行孔子曰擇其善者而從之使此舉而是雖創於武后安在其不可行既已非矣縱出於高祖太宗又豈足法

哉胡氏但當論其是非不宜以人為嫌也

元仁宗議罷至大錢

楊多爾濟曰法有便否不當視立法之人為廢置論與愚合可為一證

九月武氏改國號曰周稱皇帝以豫王旦為皇嗣改姓

武氏

考證

當去皇字○謹按唐武后廢黜中宗以豫王旦為皇嗣改姓武氏凡例曰篡賊干統而不

及傳世者唐武氏之類綱目名武氏為篡賊得之凡例又曰凡非正統者去皇號故雖睿宗改姓而為篡賊之嗣豈得以皇號加之乎當書以豫王旦為嗣

當書武曌自稱皇帝號曰周餘從考證○按號從其

主未有先書號而後稱帝者分註先號後帝

分註以唐為周

上尊號曰以武氏稱朕已久

曌自稱制以後羣臣奏事者皆稱陛下其為皇

帝久矣

此特其尊號耳不知女后稱帝非常之大變顧

可繫之改號之下乎況國之名周始於稱帝非帝亦

何以周哉勲謂國本號唐非武氏所得改

後世皆稱唐武后不

曰周武后唐紀亦不書周

當去改國二字但書號曰周以見淫名

無當而已今曰改國號則是已改唐矣唐之世不又有周哉後世何以數唐不數周也

發明

丘濬曰舊書唐宗皆作豫王旦不予武氏之立也史綱前此之書亦然而此又以為唐帝

旦者蓋以見豫王旦前此固為唐之帝矣至是又為嬰之嗣焉吁前也承父則姓父之姓以為唐之君後也承母則姓母之姓以為周之嗣嗚呼人之生也合父母而有此身承祖宗而有此姓睿宗一

身前後分而異屬豈復有人理
哉書之於冊以紀世道之大變

書豫王旦不使旦並哲

中宗名哲

也不二君也所以存唐

也史綱改書唐帝不特與書帝在某者矛盾而周既

以唐帝為嗣改姓武氏是有武周無李唐豈綱目存

唐之意哉且豫王改姓嗣周非旦罪也生為武子權

不在握上無所承

旦非受國於高宗如中宗之書立為太子即位也

下不知

戴其於唐也特寄生耳安能為有亡乃以人理責之

哉

罪不在旦何必反復推歟

况綱目方不予其為帝故始終以王

名史綱一則曰為唐之帝再則曰為唐之君此正所

謂二日二王者豈非自為室礙乎

二年發明丘濬云帝與周同書豈得

無室礙乎當以綱目所書為正丘氏說不可從

周以徐有功為侍御史

考異

按名號例曰篡賊曰某據王莽改國號曰新綱目每事但冠以莽字未嘗冠以新字此書

周當易以嬰字庶合朱子立例之意且無唐經亂周紀之失也後書周處倣此

周當作嬰○不書周不成武之為周也婦人從夫者也而改夫之號宣理也哉又况未及傳世者乎去周

書名賊之而已矣綱目既以中宗紀年而一則曰周再則曰周不幾為無益之虛名耶且前書太后而不氏後稱國號而不名是綱目始終無貶武之意凡例又安得指為篡賊耶當以考異為正

辛卯八年

周武氏天授二年

考異

提要分註作周武氏載初元年

當作載初二年分註仍書天授提要尚稱元年並誤

詳見上年庚寅

八月周殺其將軍張虔勗

考異

按統系例曰凡正統事有相因者連書之註云篡賊事亦連書但每歲首及有異事一加

其名據王莽歲首書事及間有異事一書其名無異事者不冠以名則此年流周興事在歲首當冠以嬰字徙關內戶上有日食亦當冠以嬰字餘自殺張虔勗以下皆嬰所為間無異事舊書周字皆當削後並做此

按連書加名朱子雖立此例然所書莽事亦有未盡

如例者如遣五威將出西域本在莽大發兵擊益州

蠻下

見天鳳三年丙子

考吏致富者收其敗本在莽以費興

為荊州牧下

五年
戊寅

綱目皆再書莽

遺五威考吏上
二莽字宜刪

他

如玉舜龔勝一書莽太師一書莽迎此又忠姦之別

不可以連書而不名也即如周自殺張虔勗下改義

豐王等姓

改光順等姓武
氏幽之宮中

可以不名築神都外城在

引見存撫使下

見九年壬辰
綱目並書周

可以不名乃若傳遊藝

實為周平章

本年九月書周平
章事傳遊藝自殺則

又王舜揚雄之

流不可不名者故凡例雖出朱子而因事取義未可

執一考異不加析別槩以凡例為據愚所不取也

壬辰九年周武氏如意元年再改長壽

分註當書周墾長壽元年武氏以下等字宜刪○按改元例云凡中歲改元無事義者以後為正武氏一歲再改尤無義之甚以後為正正統且然况武氏乎故當刪去十八年大足元年做此餘詳三年丙戌

夏五月禁天下屠殺採捕

分註

時江淮旱饑民不得採魚蝦餓死者甚衆拾遺張德生男私殺羊會同僚補闕杜肅懷一

餞上表告之明日太后對仗謂德曰聞卿生男甚喜德拜謝太后曰何從得肉德叩頭伏罪太后曰

朕禁屠宰吉凶不與卿自今召客亦須擇人出肅表示之肅大慙舉朝欲唾其面

書法

自革命以來每事必書周外之也此則曷為不書周禁殺未失也書周是善之矣

每事書周已非正例

凡例註纂賊事亦連書不加名

獨是月禁屠採

不書周安知非蒙上文

上書周貶狄仁傑魏元忠為縣令

如凡例所

云者豈真以為未失而削之耶按分註江淮旱饑民

不得採魚蝦餓死者甚衆尤非人主遇災施惠之義

安知其非譏而以為善之乎即禁屠殺一事或以著

杜肅之諂明張德之幸耳不然武氏自元年以來殺

王公大臣及宗室諸子不知凡幾

是月以前見於大書者六十四人列

分註者不可勝數

何惜於物命而特禁之使綱目果有予之

之意則當大書旱饑以志其災而以禁屠殺採捕與分註並列庶幾凡例貶損修政之意若槩指為善而削不書周宣所語於史法之公乎愚不敢信

甲午

十一年

周武氏延載元年

分註武氏當作嬰義見前

夏五月周武氏加越古之號

當作嬰自加號越古○按越古本非號特武氏創為此名耳今曰加越古之號則若古有是號而武氏加之非所以示譏也後書慈氏並同

本年十一月

秋八月周以杜景儉同平章事

本紀作景佺

分註

太后出梨花一枝以示宰相宰相皆以為瑞景儉獨曰今草木黃落而此更發榮陰陽不

時咎在臣等因拜謝太后曰卿真宰相也○胡氏曰卉木有小華於秋冬之交者非瑞也亦非異也景儉失之矣必以梨不應花而花為陰陽失時孰與婦人不應帝而帝之為天地易位乎幸能正言蜀若盡言而淺言之姑以盜世俗之小名何足稱也

因事極諫固人臣之盛節然武嬰僭帝至是已十年
根蒂深固非一人一口舌所能爭也景儉之對姑以止

一時諂諛之風非無小補胡氏獨責其不盡言而淺

言豈知固有難於言者哉

不應花而花即所謂不應
帝而帝也景儉本以花諫

胡氏作兩義看尚未
識景儉立言之意

使景儉不顧淺深痛陳天地易

位之變如俞文俊之言慶山

嗣聖三年新豐縣有山
踊出武氏改為慶山縣

文俊上言陛下以女主處陽位反易剛柔故也
氣否塞而山變為災非慶也太后怒流之嶺外勲恐

未及正位而景儉已不保矣是使諂諛者得氣而懷

忠者結舌也曷足稱乎景儉初無名心

景儉有欲言而不敢盡言

者非好名也不必言而盡言則名矣胡氏乃謂盜世俗之小名尤誣景

儉矣非是

冬十一月周武氏加慈氏之號

當作嬰復加號慈氏義見前此再加也故當書復

乙未十二年

周武氏天冊萬歲元年

秋七月吐蕃寇臨洮周遣兵討

之

考異

討當作擊

考證

討當作擊

書法

吐蕃前再書擊兵端自我也於是入寇故以討書之

寇當作入討當作擊○按書法既云兵端自我則入

寇亦我所致安得書討若但以書寇為當書討則明

年契丹寇營州所謂兵端自彼者

書法云武氏未嘗有事於契丹

目仍書擊何哉

按十四年總管王孝傑與契丹戰死周遣武懿宗妻師德猶書擊益見此

年書討

之誤

丙申十三年

周武氏萬歲通天元年

秋九月周免囚奴遣武攸宜將

之以伐契丹

書法

武氏佳兵有之矣未嘗有事契丹也於是入寇營州再執唐師則釁不在我故以伐書而

攸宜竟不敢進其失甚矣故武懿宗復書擊

謂釁不在我書伐宜矣然是冬陷冀州

冬十月契丹陷冀州又陷

瀛州據凡例非正統相攻先發者不曰寇陷則此條陷字亦是因本文之誤當改正

明年王孝

傑戰敗死

三月書周總管王孝傑與契丹戰敗死武攸宜不敢進

視入寇營州

執唐帥其罪不尤甚乎如書法所云懿宗當書討何

以復書擊且攸宜不敢進為孝傑敗死也與懿宗何

涉而謂攸宜非夫遂書擊以貶之乎此皆傅會綱目而不得其說者據凡例用兵於夷狄曰伐曰攻曰擊則或書伐或書擊亦恒辭耳書法每多為穿鑿何也

戊戌

十五年

周武氏聖
元年

春三月帝還東都

分註

武承嗣三思營求為太子狄仁傑從容言於太后曰太宗櫛風沐雨親冒鋒鏑以定天下

傳之子孫大帝以二子託陛下陛下今乃移之他族無乃非天意乎且姑姪之與母子孰親陛下立子則千秋萬歲配食太廟立姪則未聞姪為天子而祔姑於廟也因勸太后召還廬陵王太后意稍寤無立承嗣三思意吉項與張易之昌宗為控鶴監供奉項從容說二人曰公兄弟貴寵天下側目

不有大功何以自全二人懼問計項曰天下未忘唐德主上春秋高公何不勸立廬陵王以慰人望如此豈徒免禍亦可以長保富貴矣二人以為然承間屢為太后言之太后乃託言廬陵王有疾遣使召之及其妃子皆詣行在承嗣怏怏遂發病死○胡氏曰歸廬陵王狄仁傑雖首言之太后未許也及項為二張謀后意乃定然則項功為多而當時及後世稱復唐之功者特歸仁傑而不歸之項何也人臣建功效計當原其心誠為國耶策雖不就君子予之心不在國假善以濟其私功雖幸成君子不與也狄公精忠惟復唐室是念其請歸廬陵王太后雖未之許然心已開悟矣吉項之計太富貴之術耳又况狄公之請已在前乎

仁傑之論李昭德已先之

先是洛陽人王慶之等上表請立武承嗣為皇太子

昭德言於太后曰天皇陛下之夫皇嗣陛下之子陛下身有天下當傳之子孫為萬世業豈得以姪為嗣乎自古未聞姪為天子而為姑立廟者也太后亦以為然昭德復言承嗣權太重太后曰吾姪也故委以腹心昭德曰姑姪之親何如父子子猶有篡弑其父者況姪乎太后矍然遂罷承嗣政事見嗣聖八年九

年分

吉頊所云猶酈寄之給呂祿耳

漢諸侯王謀討諸呂時呂祿為

上將軍據兵衛宮太尉周勃不得主兵酈商子寄與祿善給之曰高帝與呂氏共定天下劉氏所立九王呂氏所立三王皆大臣之議諸侯亦以為宜今太后崩帝少而足下不急之國乃將兵留此為大臣諸侯所疑何不歸將印以兵屬太尉請梁王歸相印與大臣盟而之國齊兵必罷足下高枕而王千里此萬世一時也祿因解印以兵授勃勃因宣誠為張氏哉觀得入北軍誅諸呂詳見呂氏八年

氏召項問狀項猶以顧託為辭則知為此說者所謂利誘勢禁使其言必從而計無二也如胡氏說則寄給呂祿亦將謂為呂氏謀耶

吉李精忠雖非狄比然復唐之功非

昭德啟之於前吉項佐之於後雖有仁傑亦安所施

胡氏既不推本昭德尤謂吉項之謀徒為二張富貴

計中宗既立二張伏誅富貴安在哉況易之曾問自安計於仁傑仁傑亦對如項語可謂仁傑為二張

計乎益信何其誣也胡氏之謬

九月突厥陷趙州周刺史高叡死之

分註

默啜圍趙州長史唐殷若翻城應之刺史高叡與妻秦氏仰藥詐死叡與詣默啜以金獅

子帶紫袍示之曰降則拜官不降則死獻顧其妻
妻曰酬報國恩正在今日遂俱閉目不言再宿敵
乃殺之敵退唐殷若族誅
贈獻冬官尚書諡曰節

當作殺其刺史高獻綱目書死之非是○按高獻始
而詐死已非其正及聞拜官之命不自引決猶顧其
妻是未有必死之志也使妻無報國之言則紫袍金
帶安知不已被於身耶卒之閉目不言甘受敵刃何
能為有亡乃以全節予之耶惟書殺其刺史以著突
厥之強雖不書死之可也

己亥十六年

周武氏聖
歷二年

吐蕃贊婆弓仁降周

書法

突厥默啜遣使請降不書周不為周降也此其書降周何帝在東宮則周之為唐也決矣

雖書降周

無嫌也

書周外之也見其猶未得為唐也若謂周決為唐無嫌於書周則何不書之為愈耶且前不書周不為周降則此書降周其為周降明矣又曰雖書降周無嫌何其穿鑿傳會之甚耶

庚子十七年

周武氏从
視元年

司空梁文惠公狄仁傑卒

考異

此誤
書證

考證

當去文惠二字分註證文惠○謹按狄仁傑仕周為內史曲盡忠誠迎中宗還宮授計五

王反正唐室卒於周贈文昌右相中宗贈司空睿宗追封梁公綱目書曰司空梁公狄仁傑卒凡綱目書武后時事各冠以周號雖如婁師德卒猶不免也獨仁傑不加周號者明其心在唐室不曰文昌右相而曰司空梁公明其忠於唐室褒之也褒之所以示勸也綱目平易中有精深處故曰非朱子其孰能修之

書法

大臣卒不書證自裴行儉一見之於是再見大臣卒書本官惟仁傑卒書中宗所贈爵書

唐宗所封所以殊仁傑於諸臣也此綱目之特筆一人而已矣

當書同平章事狄仁傑卒

據書法以始相不書周表其為唐謂自仁傑相中宗

始有詣行宮之召勲謂既以此司空梁公四字並誤

○按凡例謂卒不當書諡以非生者之稱也

見凡例註

然

司空梁公乃中睿所贈

分註中宗復位贈司空睿宗時追封梁國公

當仁

傑卒時未嘗有是官爵也而並書卒上豈得為當乎

勲意但書同平章以明中宗之復由仁傑之相

生能止承

嗣之立沒能進反正之臣始終皆仁傑功也

至贈官封爵各以其時書之

如顏杲卿段秀實贈諡例或曰杲卿秀實死節也仁傑考終安得從此例曰仁傑為唐不為周死生雖殊

其節一也則當矣况文惠乃武后所諡綱目既不書周官

而仍錄武諡不尤自矛盾乎書法傳會綱目不可從

發明

或曰武氏殺賢士大夫多矣奚獨於仁傑信重若此曰狄公一念在唐發於精誠惓惓懇

懇其所以為武氏言者不出諸此故武氏亦以誠相感初非有奇謀異說行乎其間故曰誠者天之道也不誠無物至誠未有不動者不誠未有能動者其狄公之謂與

自古奸雄雖不可測要末有不自為者狄公反周為

唐雖無奇謀異說然所最中肯者在未聞姪為天子

而附姑於廟一語使武氏渙然氷釋不自覺其氣沮

而願息也心雖在唐其持論若真為武氏謀者此所以得其信重而成厥功也發明不察謂專以為唐一念感動武氏豈知仁傑固自有術焉以行其中武氏殆為其所用而不之覺耶

狄公為唐猶漢高制楚彼瞋目罵操者直淺夫耳

要之志在為唐雖詭亦正豈與阿意順旨藉口行權幾敗國事如陳平之於呂氏者同日語哉

甲辰二十一年

周武氏長安四年

周以天官侍郎崔玄暉同平章

事

天官侍郎四字羨宜刪○按諸臣改官者皆書新職
不錄故官故狄仁傑同平章不書魏州刺史魏元忠
同平章不書肅政中丞玄暉為天官侍郎前已大書
於冊見十八年冬十一月此當直書以崔玄暉同平章事不應
復書天官侍郎凡例云官已見者不復見故當刪去
或曰張柬之同平章特書秋官侍郎何也曰此凡例
所謂官未見者因事乃見東之為秋官侍郎僅見庚子分註故特著之非
如玄暉已見而復書也

乙巳神龍元年二月復國號曰唐

是年正月
中宗復位

書法

此書復國號曰唐世史書革去周號何武氏所以據尊位臨萬方以臣其人民者豈盡出

其智力哉因唐之勢耳彼其革去唐號而稱曰周特見於稱呼施於文移耳人心天意之在唐者固未嘗有渝也武氏一旦去位則唐之社稷固自如也又何俟於復哉革去周號唐斯在矣

當從史綱書革去周號綱目書法誤○按凡物已失而得曰復綱目於武氏之亂以嗣聖紀年每歲必書帝所在是唐未失也唐未失何復之有如綱目所書是唐已為周今始復之與存唐之義不矛盾乎惟前

書號曰周而不曰改此書革周號而不曰復然後見
武氏之亂唐特陰靈之薄蝕非真有智力可以竊人
之國而據為已有也其深惡痛絕不尤著明也哉

流貶周宰相韋承慶房融崔神慶於嶺南

貶字宜刪○按凡書貶者下必書為某官以其降尊

就卑故曰貶

如譙王重福為均
州刺史方謂之貶

今止書於嶺南則流

之而已何貶之有

觀嗣聖十九年貶魏元忠為高要
尉流張說於嶺南流貶自是兩義

不應
合書

且流重於貶書其重者則貶不足言矣又况實

流而非貶乎故當刪去

以楊再思同三品○姚元之為亳州刺史

分註

太后之遷上陽宮也同三品姚元之獨鳴咽涕桓彥範張柬之謂曰今日宣公涕泣時

耶元之曰前日從公誅姦逆人臣之義也今日別舊君亦人臣之義也雖獲罪實所甘心遂出為亳

州刺史

姚上圜子美○按再思同三品實繼元之後義當連書不應圈隔○或曰元之刺亳州為其不當涕泣也果爾則當或書出或書貶未有一無所書而特書姚

元之為某州者曰元之涕泣固可罪而同謀討逆則猶可原也故畧之

夏四月以鄭普思為祕書監葉靜能為國子祭酒

分註

術士鄭普思尚衣奉御葉靜能皆以妖妄為上所信墨敕以普思為祕書監靜能為國子

祭酒桓彥範崔玄暉固執不可曰陛下初復大位下制政令皆依貞觀故事貞觀中魏徵為祕書監孔穎達為國子祭酒豈普思靜能之比乎拾遺李邕上疏曰若有神仙能令人不死則秦始皇漢武帝得之矣佛能為人福利則梁武帝得之矣堯舜所以為帝王首者亦修人事而已尊寵此屬何補於國上皆不聽

書法

監學清流長官要職而以方士居之直書而貶義自見矣

以下當補方士二字

唐書桓彥範傳有方士二字

方見貶義不然

上書以袁恕已為中書令下書以魏元忠等同三品

中曰以鄭普思為祕書監同類並稱安見其為貶乎

書法傳會綱目非是

皇太后武氏崩

發明

丘濬曰武氏自稱皇帝中宗復位又尊之以為則天大聖皇帝其崩也以其所尊者書之

可也而綱目乃以皇太后武氏書之蓋不與其為皇帝也是何也女不可以統男皇帝本非婦人女

子之所得而稱者也書之曰太后武氏崩則凡其
生時所自稱及人所以尊之者皆非所宜也如是
書之不啻足矣今史綱直斥其姓名而且以死書
何嗚呼武氏起自閭閻使其不入宮闈一匹婦耳
所以生得為后死得書崩徒以其作配高宗以承
唐家之宗祀焉耳今武氏為人妻則淫蕩為人妾
則妬害為人母則殘虐為人婦則廢人之宗祀滅
人之國祚殺人之族屬凡其一生所以孤人之子
寡人之妻絕人之宗祀不知其凡幾百千萬矣其
於李氏固已義絕葬不可以列李氏之園陵祭不
可以入李氏之宗廟由是觀之乃天地間一不仁
不義之婦人耳死全首領固已為幸而又稱之以
為后書之以為崩何以誅絕其既往而示戒於
將來哉必若直斥其名而且以死書之之為愈

當從史綱作武曌死綱目書后書崩誤

胡文定謂武
后之罪當告

於宗廟社稷而誅之晦菴亦謂不得拘子無廢母之義獨於綱目書后書崩亦自矛盾

○或曰

子無絕母之義唐之君臣既不以武氏為賊而史綱以篡賊例書之何與勲曰此所以不可不書也倘因其后而崩之則後有賊后如武氏者且曰生得為后死得書崩何憚而不為則人倫滅矣書武曌死明前此稱皇帝上尊號者之非也所謂佐人主賞罰所不及者也勲嘗謂史氏之權所以代天行賞罰者也其進退予奪以義為主

義即天也

義所當予雖微必進

如馬適求

大書死義所當奪雖尊必黜苟不顧其義之輕重可

否槩以當時紀載為據是春秋可不作魯史無褒貶

何以趙盾許止至今凜然不可犯哉綱目取法春秋

例非不正然自王舜揚雄書死外

凡例篡賊之臣書死註云王舜揚雄

類之未聞直筆豈篡賊之臣書死而呂武曹馬為首惡

者反從末減乎故愚本春秋之義推廣朱子之例君

如呂武曹馬臣如賈充褚淵范雲馮道之流槩以死

書庶幾權衡之平者使後世一顧其名始知姦雄跋

庖雖能恣逞於一時終無以逭後世之誅庶幾有所

懲而不敢肆耳今書崩書殂無異辭

賈充等並書卒呂武書崩曹馬

並書殂

是生據尊寵死逃誅責人復何所忌哉

後魏文帝嘗謂

史官曰人君威福在己無能制之者若史策復不書其惡何所畏忌以人主自言猶若此後世史官顧可

傅會

愚雖變文書死要推朱子舜雄之例以為卑而

從者可誅其尊而為首者愈不可逭耳不然天吏之罰獨行於臣下而不敢以及至尊稱天以誅之謂何世豈復有人理哉故因史綱書武曌死而續發之以

例其餘

丙午
二年大置員外官

分註

自京師及諸州凡二千餘人宦官超遷七品以上員外官者又將千人魏元忠自端州還

為相不復彊諫惟與時俯仰中外失望酸棗尉袁楚客以書責之元忠媿謝而已○胡氏曰中宗鼎鑊豈若武后之烈三思凶焰豈若周來之甚元忠不懼武后而畏三思是何也血氣既衰戒之在得故也軍食豆羹不得則死然蹴而與之乞人不屑者血氣尚勝故也萬鍾之祿與不得則死者相去遠矣然有不辨理義而受之者血氣衰故也知所以戒則志常為主血氣不能盛衰之矣

謂元忠不懼武后而畏三思由血氣之衰似也謂不

屑簞豆與不辨理義而受萬鍾皆血氣盛衰之故則
非也人固有老死不受呼蹴少壯貪得萬鍾者豈皆
血氣使然哉孟子所稱行乞弗受正從舍生取義處
以明人性皆善胡氏一舉而歸於氣果孟子之意乎
夫以氣為性此告子所以禍仁義也胡氏何不察至
此

流鄭普思於儋州

分註

普思聚黨雍歧間謀作亂事覺西京留守蘇
瓌收繫窮治之上抑瓌而佑普思侍御史范

獻忠進曰請斬蘇瓌上曰何故對曰瓌為留守大臣不能先斬普思使之熒惑聖聽其罪大矣且普思反狀明白而陛下曲為申理王者不死殆謂是乎魏元忠曰蘇瓌長者用刑不枉普思法當死上不得已流普思於儋州餘黨皆伏誅

當作鄭普思有罪流儋州○按罷免例云罪著者名下加有罪字無罪者曰免某官今普思反狀著明綱目不書有罪而以無罪例書之

貞觀七年削段綸階書法云削某階無罪

之辭也普思何事 謬甚
乃與段綸並書乎

丁未景龍元年秋七月太子重俊起兵誅武三思武崇

訓兵潰而死

考異

按凡例用兵於臣子之僭叛者曰討得其罪人曰誅此起兵討賊而未得其罪人但當書

討誤作誅

分註

皇后以太子重俊非其所生惡之武三思尤忌太子上官儀等以三思故每下制敕推尊

武氏駙馬武崇訓又教安樂公主請廢太子太子積不能平與李多祚等矯制發羽林兵三百餘人殺三思崇訓於其第太子亦為左右所殺上以其首祭三思崇訓之柩然後梟之朝堂

據分註殺三思崇訓於其第是罪人已得也例當書

誅考異以為誤何與

戊申二年安樂公主適武延秀

考異

安上漏以字

分註

武崇訓之弟武延秀美姿儀善歌舞公主悅之崇訓死遂以延秀尚焉

或曰據分註延秀美姿儀善歌舞公主悅之故不書

以使若公主自適之也與春秋書季姬及鄫子過於

防

魯僖公十四年

同意考異不必從

戊辰四年睿宗皇帝景雲元年春正月上觀燈於市里

考異

上當作帝

分註

上與韋后微行縱宮女數千人出遊多不歸者

當作帝及皇后觀燈於市里

本紀云及皇后微行以觀燈

○書及

皇后著其弑帝之漸也綱目略之非是

上御梨園

考異

上當作帝

上當作二月○按巡行例所過有事曰帝至某註云

間無異事則不書帝此上書帝觀燈下書御梨園間

無異事故當去帝字補書二月

據本紀觀拔河在是年二月拔河戲名見

分註考異謂當作帝非也

臨淄王隆基起兵討韋氏并其黨皆伏誅隆基為平王以鍾紹京劉幽求參知機務李日知同三品蕭至忠等

貶官有差

是年六月韋氏弑帝於神龍殿立溫王重茂

考異

為上漏自字是時中宗被弑睿宗未即位隆基封平王非自為而何尹氏發明謂上書討

韋氏著其撥亂之績故此恕其自為之罪然昭烈自立為漢中王以宗室繼絕未嘗恕其自立之罪也

當直書自為平王隆基二字羨發明傳會綱目非是
○或曰何以知發明之非曰隆基意在自取非專為

國與父也

書法首書為王繼書以某某然後書相王即位隆基之心可見矣史稱迎相王綱目

特書旦即位皆所以誅其意也

故當書自以著其罪如發明所云凡

亂臣賊子苟有功於國者皆可逃其誅矣

此晉安禪宋自謂為

劉公所延本所非心然綱目終罪其弑君者未可以功掩也

立平王隆基為皇太子

原本漏皇字今從考異補之

考證

謹按明皇平韋氏之亂睿宗即位欲立太子以宋王成器嫡長久不決宋王辭以死不居

平王上睿宗從之先儒有言善哉宋王之讓曰時平則先嫡長世難則先有功此萬世不易之論也曰斯言也宋王所自言因事處變一時之權也司馬公曰立嫡以長禮之正也范氏曰太子者君之

貳父之統也立子以長不以功所以重先君之世也二公立言垂教所謂萬世不易之大經然宋王之志泰伯之志也泰伯不逃則王季不得立宋王不讓則明皇不得為太子明皇舉事時其志將以自取也至於內外皆定天下歸心不得已迎睿宗其於父兄之間有慚德焉若宋王如隱太子而不避則開元治亂又未可知也觀其專事娛樂未嘗及時政長枕大衾非明皇素友愛也宋王有以啟之耳然則宋王亦無得而稱乎

按司馬范氏之論不出宋王成器之言所謂時平則先嫡長也至世難先有功則二公未之及此雖一時之權實可為萬世之法蓋世難之際非獨有功者不

能自忘即天命人心亦隱有所屬

武德之際天命自在世民豈隱太子

所能勝哉

必謂以長不以功則臨湖之禍

太宗殺建成於臨湖殿

將

復見於後世豈善處變者哉乃若宋王之讓監於隱

太子而然也其於泰伯事同情異考證與泰伯並稱

非是且父子兄弟之間亦有不同者太王欲立王季

故泰伯讓之承考之孝也睿宗意在成器特迫於隆

基之功不敢以常禮取禍耳惡可例視哉

泰伯宋王自有安勉

之分特視隱太子為此善於彼耳考證謂無得而稱亦非

辛亥
睿宗皇帝景雲二年復斜封官

發明

睿宗唐之賢主側觀其恬淡寡慾黃屋非心即位之初擢用正人政事修飭蓋自貞觀以

來未之有也然未幾太平挽政弊倖復生於是斜封首復而紀綱漸紊蓋帝之清簡有餘而明斷不足是以其弊至於此耳

睿宗不可謂賢其恬淡寡慾非其性成特無撥亂馭衆之才故託清簡以自適耳觀其欲立成器而黜隆基及聞太平流言至謂韋安石曰聞朝廷傾心東宮宜察之豈不欲久據天位哉發明以為黃屋非心徒

泥睿宗彊飾之言

睿宗將傳位於太子召三品以上謂曰朕素懷淡泊不以萬乘為貴

非定論也他若紕政繆舉相望於冊惟公主是從其去中宗一間耳而謂貞觀以來未之有不亦謬乎

子太極元年

玄宗皇帝先天元年

分註帝下當補隆基二字○按凡例君名註云後有

即位在今年內者用之是年八月睿宗傳位太子太

子即位

考證云當作太子隆基即位

是為玄宗故當補書

秋七月彗星出西方入太微○以竇懷貞為左僕射平

章軍國重事

據懷貞本傳為左僕射在玄宗即位之後

本傳云玄宗受內禪

進左僕射

當與劉幽求等

下書以劉幽求為僕射同三品

並列立妃之下

立妃王氏為皇后見傳位條下

以下書傳位與彗出西方共為一條

方見睿宗畏災避位之意若曰自非天變睿宗未必

出此所以微著其意也今書法本以星變與傳位並

言

書法云彗星之變高湛常書傳位矣於是再見

獨綱目間以懷貞與本傳

不合誤甚○按天文志自高宗乾封二年至肅宗上

元元年皆不書彗但玄宗紀云延和元年帝座前星

有變

本紀是年亦不書彗但云星官言帝座前星有變

非彗也傳位條分註

所載太平公主之言

分註太平公主使術者言於上曰彗所以除舊布新又帝座及

心前星皆有變皇太子當為天子上曰傳德亦不見避災吾志決矣公主及其黨皆以為不可

公主傳未審何據使果出公主彼方不欲玄宗為天

子又肯使術者進言乎皆不可解

八月帝傳位於太子太子即位尊帝為太上皇

發明

唐朝傳位於子者四君然而書法則不同在太宗則直書太子即位在南宗則書太子即

位於靈武惟睿宗順宗書帝傳位於太子蓋此二君制命在已出於由衷而彼二君則幾於篡矣此網目所以不得不各書其實也

明皇之於太宗特一間耳所以得書傳位者由睿宗

處置得宜

立隆基為太子

故父子兄弟之間雖有慙德而無

顯禍使睿宗立成器而王隆基其不為太宗者鮮矣

其傳位也不得不傳者也睿宗外迫於星變內困於

公主

史稱太平公主多權略上嘗與之議政宰相進退繫其一言權傾人主其門如市書法云綱目

書睿宗二十二事制於公主者十二

姑委轡明皇以自安耳顧可與順

宗同日語哉

順宗以久疾不愈故急欲傳位太子

發明謂睿宗制命在

已出於由衷非也

唐書肅宗贊亦謂睿宗遜位出於誠心非是

丑 癸 玄宗明皇帝開元元年二月御樓觀燈大酺

分註

開門然燈大酺合樂上皇與上御門樓臨觀以夜繼晝凡月餘

御上漏帝字考異考證不言何與

以高力士為右監門將軍知內侍省事

考證

當加宦者於高力士上○謹按凡例曰宦者除拜當書者皆加宦者字註云以著刑人與

政之屬夫刑人用權莫盛於唐尊為上皇以兵劫之貴為天子以父呼之甚至弑君弑后豈特與政

而已哉追原其自始於高力士盛於李輔國而極於劉季述皆由諸帝狎近便嬖授以國命而不可奪此非用權者之過用之以權者之過也今故推本正例自高力士至韓全誨十有餘人拜官之始皆加宦者於名氏之上若張承業死則綱目特筆書曰唐特進河東監軍使張承業卒是時唐已亡猶冠以唐號表其忠賢云

書法

呂強不書宦者賢之也此其不書何唐世宦者例不書也例不書也者不勝書也

當從考證補宦者二字書法傳會綱目非是○勲按不勝書者或世用宦官習以為常則略之可耳唐自高祖迄於玄宗代凡五易未聞有用宦官者用之自

明皇始

真西山云唐世中人預政自玄宗用高力士始

安可不書以著其罪

又況唐室之禍宦寺為甚書宦者於力士之上所謂

履霜之戒也書法謂例不書宦者豈未聞凡例乎

六月以宋王成器等為諸州刺史

分註

宋王成器中王成義上兄也岐王範薛王業上弟也幽王守禮從兄也上素友愛初即位

為長枕大被與兄弟同寢驍朝罷多從諸王遊在禁中拜跪如家人禮請誦故事出刺外州乃以成器領岐州成義領幽州守禮領魏州範領齊州業領同州到官但領大綱州務皆委上佐是後諸王領州者準此○范氏曰文王孝於王季故友於兄弟睦於太姒故慈於子孫以及於家邦推其

心而已矣先王未有孝而不友友而不慈者也至於後世帝王或能於此則不能於彼何哉不能舉斯心加諸彼而已成器辭位以授明皇故明皇篤於兄弟之愛蓋成器之行有以養其友愛之心也苟能充是心則仁不可勝用矣然至於為人父則以讒殺其子為人夫則以孽黜其妻為人君則以罪殄滅其臣下是皆不能充其類也苟不能充其類則其為善豈不出於利心哉

天理之在人心一也然有能推不能推者則誠與偽之分耳文王之孝友慈愛不待推而然者也乃若明皇之為君父本無是心何以推之哉范氏將以長枕大被謂明皇真能友愛者乎觀其以聲色遊獵娛成

器不及以政其猜忌深矣成器雖能養明皇友愛之心而明皇之友愛則皆偽而不誠者也不然寧有友愛於兄弟而不慈睦於子婦者哉范氏不於誠偽分別能推與否徒以明皇之偽致疑天理在人有先王後世之殊謬甚

襄王重茂薨於房州諡曰殤皇帝

考異

提要薨作卒按凡例王侯死皆曰卒當從提要

考證

薨當作卒諡當分註○謹按韋氏弒中宗而立重茂韋氏伏誅睿宗即位廢重茂復為王

凡例曰正統之君廢為王公而死者書卒而註其諡重茂韋氏所立故不書即位者非正統之君也然亦廢為王而死故比例而書薨當作卒註其諡於下

書法

書薨何諡為帝者也

當從提要作卒書法傳會綱目非是大書其諡譏也

考證不必從○或曰何譏生不予其帝

始不書即位後斥稱重茂

皆不成之為君也

死而諡之非也故書譏之考證與廢為王

公者並稱謬甚

按廢為王公不當廢者也諡其所自有故從分註諡為皇帝不當諡者也

帝所不應得故大書以譏之若曰王也而諡為帝其謬不辨而明矣考證見不逮此何與

以武后鼎銘頒告中外

分註

太子賓客薛謙光以武后鼎銘有云上玄降鑒方建隆基為上受命之符獻之姚崇表賀

請宣示史官

頒告中外

當作頒武后鼎銘於中外以告二字羨

冬十月薛訥與吐蕃戰於武街大破之

分註

吐蕃復寇渭源薛訥王駿帥兵禦之吐蕃十萬屯大來谷駿選勇士七百衣蕃服夜襲之

多置鼓角於其後前軍遇敵大呼後人鳴鼓角應之敵以為大軍至驚懼自相殺傷死者萬計敵大潰追至洮水又敗之前後殺獲數萬人

當作薛訥襲擊吐蕃於武街大破之○據分註夜襲吐蕃遇敵驚潰未嘗與戰也綱目書戰非是

丁巳五年春正月太廟四室壞行幸東都

考異

行幸當作帝如

書法

上書太廟四室壞下書行幸東都是壞不以行故矣然則無譏與春秋書世室屋壞譏慢也况太廟方壞而行幸自如則其為忽宗廟甚矣姚崇賢相於是凡三獻諛惜哉

當從考異作帝如東都書法仍以行幸為辭非也○按壞雖不以行故而行不顧其壞則慢甚矣綱目連

書之所以譏也書法多為層折反以忽宗廟為餘意
尤誤

謫孫平子為都城尉

分註

伊闕人孫平子上言春秋譏魯躋僖公今遷中宗於別廟而祀睿宗正與魯同兄臣於弟

猶不可躋況弟臣於兄乎若以兄弟同昭則不應出兄置於別廟願下羣臣博議遷中宗入太廟太常博士陳貞節馮宗蘇獻以為七代之廟不數兄弟殷代或兄弟四人相繼為君若數以為代則無祖禰之祭矣今睿宗之室當亞高宗故為中宗特立別廟非躋睿宗於中宗之上也平子誣罔聖朝漸不可長然時論多是平子故議久不決獻頌之從祖兄也故頌卒從其議平子論之不已謫都城尉

中宗受命於高宗睿宗特為武后所立當高宗之崩
知有中宗不知有睿宗也今以睿宗繼高宗而置中
宗於別廟是去其知者而立所不知者在高宗為無
子在睿宗為無父豈得為禮之正乎即謂七代之廟
不數兄弟亦當遷睿宗而存中宗安得反易若斯之
甚耶厥後復還中宗於太廟十年增太廟為九
室遷中宗還太廟則知
平子之言初非誣罔所稱不數兄弟者又安在乎勲
謂唯以中宗亞高宗而為睿宗別立廟則當矣當時

議禮者皆不及此則以睿宗乃明皇之父故其遷其還皆在中宗無敢議及睿宗者違典禮以媚君君臣並責爾矣究何益哉

戊午 六年秋八月令州縣歲十二月行鄉飲酒禮

書法

鄉飲酒古之所以序長幼也終綱目千數百年行此禮者開元而已雖舉一廢百而綱目

書之其亦餽
羊之微意與

按鄉飲酒禮已行於漢

見漢世祖建武三年綱目不載

特綱目未書

耳書法不考全史僅以綱目為據遂謂千數百年惟

開元行之非是

甲子十二年秋七月以楊思勗為輔國大將軍

考異

楊字上當加內侍二字疑漏

當從考異補內侍二字○或曰思勗平安南已書內

侍則此可省

凡例官已見者不復見

勳按內臣為大將軍自

思勗始書內侍非為思勗也為大將軍惜也

乙丑十三年車駕還幸孔子宅

書法

漢明帝幸孔子宅書詣唐高祖太宗幸國子監亦皆書詣此其書幸何誤也或曰誠不足

也故從
其恒辭

發明

漢肅宗時書詣孔子宅今此乃書幸何耶意者玄宗尊師重道之誠不及肅宗故變文書

幸以見其過自尊大之意
耳不然何書法之異也

幸當作詣○按是時玄宗遣使以太牢祭孔子墓給

復近墓五戶

見本紀宜入分註

非不知尊重者書法以書幸

為誤良是發明泥幸字以為見其過自尊大之意則

誣玄宗矣况晉文召王春秋猶書狩於河陽

魯僖公二十八年

年天王狩於河陽傳曰以臣召君不可
以訓故書狩於河陽以尊周而全晉也
安得因其不

誠遂以恒辭襲尊乎書法或曰條宜刪

庚午十八年六月以忠王浚領河北道行軍元帥帥十八

總管討奚契丹

考證

討當作伐

分註

初契丹王李邵固遣可突干入貢李元紘不禮焉張說曰可突干狡而狠專其國政久矣

人心附之今失其心必不來矣至是可突干弑邵固叛降突厥制以忠王浚領元帥御史大夫李朝

隱京兆尹裴奩先副之帥十八總管以討奚契丹然浚竟不行

書法

奚契丹自開元以來皆書擊此其書討何討弑君也綱目之筆削嚴矣

丹下當補不果行三字觀分註浚竟不行可見綱目不書疑漏○按綱目書討因舊史耳如書法所云此有邵固之弒

書討宜矣然二十二年張守珪斬可突干罪人已得

未聞有他釁也而祿山復書討何哉

二十四年張守珪使討擊使安

祿山討奚契丹敗績

又况可突之變由元紘啟之乎以春秋省

已自治之義推之雖書擊可也

二十年信安王祿書擊可證

壬申二十年九月開元禮成

分註

初命張說與諸學士判定五禮說苑蕭嵩繼之請依上元敕父在為母齊衰三年從之至

是書成上之
號曰開元禮

書法

書禮成何成
之為禮也

父在為母服三年是二尊矣故不曰五禮成而目曰
開元禮以是為開元之禮耳書法槩云成之為禮非
也

冬十一月祀后土於汾陰十二月還西京

考異

按凡例還宮間無異事不書
帝此間有事還上漏帝字

分註

初蕭嵩奏自祠后土以來年穀
屢豐宜因還宮賽祠上從之

帝字非漏○按祀后土亦帝也

觀分註還宮
賽祠可見

此正間

無異事者故不書帝考異以為漏特未詳分註耳但

玄宗幸東都在上年十二月

本年夏四月宴百
官於上陽東洲

至是

始還果踰年而後還抑已還而復出耶據書法云近
者十月遠者三年則玄宗之慢遊亦甚矣踰年曷怪焉
癸酉
二十一年春正月遣大門藝討渤海不克

考證

討當
作擊

分註

初渤海靺鞨王武藝遣將寇登州殺刺史至
是上遣大門藝發幽州兵討之無功而還武

藝怨門藝密遣
客刺之不死

據分註當從綱目書討然門藝乃武藝之弟武藝雖

可討而門藝非討武藝之人也

十四年武藝遣門藝擊黑水門藝不從棄

衆來奔

勲意或去大門藝三字直書遣兵討渤海非徒

全門藝亦所以為唐諱也

使弟討兄非禮也故諱之

蕭嵩韓休罷

考異

按分註此條提要當接下條提要共為一條為是其發明當移之於後

此與下本為一條

下書以裴耀卿同平章事分註云休數與嵩爭論於上前面折嵩短

嵩因乞骸骨上乃皆以為丞相罷政事

但為發明所隔

本條無分註

當移發

明於後而以此條冠於耀卿之上為是此非提要分書之過特編錄者誤廁發明於內耳考異可從

甲戌

二十二年幽州節度使張守珪斬奚契丹王屈烈

及可突干

干下當有以獻二字○按契丹傳云函可突干等首

傳東都

數字宜入分註綱目不錄非是

綱目不書獻疑漏

突厥殺其毗伽可汗

考異

殺當
作弑

分註

毗伽為其大臣梅錄吸所
毒而死子登利可汗立

當徙考異書弑○按本傳云毗伽忍死殺梅錄吸夷其
種乃卒宜入分註以為弑君者之戒綱目不載非是

乙亥

二十三年春正月帝耕藉田御樓酺宴

分註

上耕藉田九推乃止公卿以下皆終畝上御
五鳳樓酺宴時命三百里內刺史縣令各率

所部音樂集樓下較勝負懷州刺史以車載樂工
數百皆衣文繡魯山令元德秀惟遣樂工數人連
袂歌于為上曰懷州之人其塗炭乎立以刺史為
散官德秀性介潔質樸士大夫服其高○按德秀

本傳為下更有于字此歌名也不宜畧據玄宗稱為賢人之言必有可觀史家不錄非是

刺史縣令所以撫民也玄宗不以戶口盛衰課殿最乃令率所部音樂遠詣行在較其勝負豈為民立官之義哉或曰姑試令史耳故懷州樂工雖勝必以刺史為散官果爾則是令反所好陷人於罪又豈所以懲勸乎勲觀其意始未嘗不在音樂或感德秀之歌反情止義故罰刺史以掩過耳不然何其後先矛盾若是之甚也

三月張瑄張琬殺殿中侍御史楊汪以復父讎杖殺之

分註

初汪既殺張審素審素二子瑄琬皆幼坐流嶺表尋逃歸手殺汪於都城繫表於斧言父

冤狀欲之江外殺與汪同謀者為有司所得議者多言二子穉年孝烈宜加矜宥張九齡亦欲活之裴耀卿李林甫以為壞法不可上然之乃下敕曰國家設法期於止殺各伸為子之志誰非徇孝之人展轉相讎何有限極宜付河南府杖殺士民憐之為作哀誄歛錢葬之

當作張瑄張琬復父讎殺殿中侍御史某○按先書復父讎則知瑄琬之殺楊汪非得已也情急而義彰

若先書殺書以安知所殺者果父讎耶抑有託而然耶辭緩而義隱觀其嶺表逃歸其欲殺汪非一日矣蓋處心積慮而為之者凡皆為父讎耳顧可以緩辭書之哉據議者為二子穉年孝烈宜加矜宥此正義也獨裴耀卿等以為壞法遂爾并誅可哀孰甚愚謂即以止殺為辭二子豈無首從之別

如高宗時智壽與弟智爽復父

讎議者謂弟始謀乃殺智爽赦智壽亦一例也

而一槩殺之則以裴李諸人

各懷殺人之意使受枉者皆得復讎則威殫而身危

矣

宋泰始中奚虔思殺錢仲期子延慶手刃虔思自繫獄太守却顯表不加罪明帝許之是復父讎者

可以不死惜璚琇不遇却太守耳

惟殺璚琇然後雖有徇孝之人莫

敢伸為子之志而已益可肆行而不顧豈真為國法

哉惜乎九齡不能力持大義使之稍從末減耳胡氏

以為失在不訟於司寇

胡氏說詳分註

勲謂觀裴李持論若

此使璚琇先訟司寇則父讎不克報矣今雖殺身

璚臨

刑神色自如曰下見先人復何恨

特為人上者之過於二子奚憾焉

按唐世復讎者非一其法亦異太宗時有王君操高宗時有趙師舉皆復父讎皆得不死憲宗時余安常

梁悅復讎雖同而一死一生則以李鄴與韓愈所見之不同也他如康買得以救父難殺人尚蒙矜宥則理琇復死父之讎者當何如哉宜議者皆以為寃也

丙子 二十四年夏四月張守珪使討擊使安祿山討奚契

丹敗績

考異

討當作擊

分註

張守珪使平盧討擊使安祿山討奚契丹敗績守珪奏請斬之祿山臨刑呼曰大夫欲滅

奚契丹奈何殺祿山乃更執送京師張九齡批曰昔穰苴誅莊賈孫武斬宮嬪守珪軍令若行祿山不宜免死上惜其才赦之九齡固爭曰失律喪師不可不誅且其貌有反相不殺必為後患上曰卿

勿以王夷甫識石勒
枉害忠良竟赦之

書法

書使何罪使之者也奚契丹書討則使之者何罪使之而不能正其敗績之誅以至於墮

國典胎國禍則守珪之罪也故書使

當從考異作擊○按綱目書討因舊史耳先是守珪

斬屈烈可突干

見甲戌十二月

唐且以涅禮為都督

乙亥十二月書

以契丹涅禮為松漠都督

契丹何罪可復書討乎且以敗績為罪

使之者可也以胎禍為守珪之罪則非也守珪失在

不斬而執送豈意其後之必反而故縱哉以九齡固

爭而玄宗不從又寵用之則君上之過非守珪罪也
書法撫後禍以甚前罪捨君過而崇臣罰非權衡之
平者不可從

丁丑

二十五年十二月惠妃武氏薨追諡貞順皇后

考異

據大厯十年書貴妃獨孤氏卒則此薨字當作卒

書法

妃妾自宋殷氏始書卒未有書薨者也此其書薨何諡為后也自是而皇后為贈官矣終

綱目卒妃妾四宋孝武殷氏唐玄宗武氏肅宗韋氏代宗獨孤氏惟此獨書薨諡之辭也

當從考異作卒綱目書薨特據舊史耳書法以為諡

為后勲謂使非諡后卒且不可得况薨乎故當書卒以正其謬若曰此妃也而諡皇后哉今復書薨是予其諡也安在其為譏乎

戊寅使 二十六年春正月以牛仙客為侍中以王璵為祠祭

王上以字羨

庚辰 二十八年春正月荊州長史張九齡卒

分註

上雖以九齡忤旨逐之然愛重其人每宰相薦士輒問曰風度得如九齡否

書法

書惜賢也終綱目長史書
卒三於九齡尤深惜之

當書故相張九齡卒於荊州去長史二字分註諡文

憲○按先儒謂唐室之亂由罷張九齡相李林甫

崔

對憲宗曰人皆以天寶十四年安祿山反為亂之始
臣獨以開元二十四年罷張九齡相專任李林甫此
理亂之所
由分也范氏亦云明皇三子之廢繫於林甫之一

言其得未廢繫於九齡之未罷相賢則父子得以相

保相佞則天性滅為仇讐

見丙子
分註

果爾則九齡之相

所關於唐室何如可僅以長史卒之哉據罷免例云

無罪而賢者雖已廢免曰故某官爵某故當補書故相以致惜之之意且以見九齡蓋宜相而不宜貶者也不然賢如九齡而僅存貶官與衆人何異乃以為深惜乎

是歲戶口之數

分註

戶八百四十一萬二千八百口四千八百一十四萬三千六百

三百絹匹亦如之海內富安行者萬里不持寸兵

十四年書戶口之數戶部奏之也二十年起后土為

戶口不書此未有奏者其書戶口之數何盛衰之際
綱目之所謹也是時海內富安行萬里者不持兵可
謂盛矣未幾轉運采訪絡繹奔馳卒成天寶之亂何
其衰也方玄宗承武韋之後天下非不凋弊然開元
以來去奢崇儉用賢遠奸遂臻是歲之盛自茲以往
貪殘盈位驕侈肆行幾至亡國由此觀之治亂何常
存乎其人而已綱目於二十八年特書戶口之數

此年

唐紀不載戶口固
知為綱目特筆也

蓋紀其盛而懼其衰也書法不言

何與

辛巳二十九年夏閏四月得玄元皇帝像

分註

上夢玄元皇帝云吾像在京城西南百餘里遣使求得之於盤屋迎置興慶宮

發明

玄宗誕謾荒忽既夢老君之像遣使求之正使無有則使者亦必傳會來上此固無可疑

者綱目書得而不言其所以得譏之明矣

當作遣使求玄元皇帝像得之分註明言求得之此亦據事直書非別有增設也○勲按不書求則得與否無關美刺何以書為惟求而後得譏在求不在得

也發明以不言其所以得為譏之明傅會無謂

按天實元

年叅軍田同秀上言見玄元皇帝於丹鳳門告以藏符在尹喜故宅帝遣使於函谷關尹喜臺旁求得之明年清河人崔一清復言見玄元皇帝於天津橋北云藏符於武成紫微山遣使求亦得之此皆因得像而傅會成之者君臣上下誕誣若此唐安得不亂耶

秋七月突厥殺其登利可汗

考異

殺當作弑

分註

初登利從叔二人分典兵馬號左右殺登利惡其專誘右殺斬之自將其衆左殺判闕特

勒兵攻登利殺之骨咄葉護自立為可汗

當作突厥登利可汗為其下所殺○按右殺登利從叔也既使之典兵乃惡其專而誘斬之不能無罪故當書為下所殺以致自反不縮之意綱目直書殺其可汗固失上下之分若例以弑書亦非原情定罪之義惟書為下所殺則彼此皆當矣考異不詳分註槩謂殺當作弑特泥例之過非正法也

冬十一月太尉寧王憲薨追諡曰讓皇帝

考異


薨當作卒

書法

以皇帝贈諡自太子弘始矣於是三見書官書爵子憲也綱目諡為帝書薨

當從考異作卒書法傳會綱目非是○按以皇帝為贈諡乃違禮之大者綱目垂法後世宜削以示貶今大書於冊若曰王也而諡為帝耶所以深譏之也惡可因其諡帝而書薨以成之乎據凡例云秦漢以後王侯死皆曰卒註云薨乃臣子之辭不當施之於國史果爾則諡帝書薨之說本非綱目之例書法與弘茂並稱為三尤誤

弘與重茂尤非憲比憲既誤書弘茂並當改正



綱目續麟卷十五